

HERRI KATALANAK. Diadako hainbat gau-ekitaldi bertan behera geratu dira, EEBBetako atentatuak gaitzesteko

Lankidetza Autonomikorako Legea salatu dute alderdiek Diadan

Kataluniaren autonomia mugatuko lukeela iritzi diote gehienek, eta baztertu egin dute

Erredakzioa | DONOSTIA

Diada edo aberri eguna ospatu zuten atzo katalanek, 25. aldiz, Legebiltzarrean. Alabaina, bertan behera utzi zituzten gaueko hainbat ekitaldi, EEBBetako atentatuak gaitzeste aldera. Herri Katalanen autonomia gorai-patzeko egunean, bestalde, Espainiako Gobernuak onartu nahi duen Lankidetza Autonomikorako Legea izan zen eztabaidagai nagusia. Izan ere, Mardilek autonomia erkidegoetako lege proiektuak gainbegiratzeko ahalmena izan nahi du, lege hori baliatuz. Diadan bildutako politikari gehienek Herri Katalanen autonomia

MOZIOA

Autodeterminazio eskubidearen aldeko mozioa onartu du hainbat udalek, Diada dela eta egin bilera berezietan

murritzuko lukeela ondorioztatu eta aurka agertu ziren.

Jordi Pujol Generalitateko presidentek adierazi zuenez, «Gobernu katalanak kontra egingo dio, baldin eta horrelako lege bat onartzen bada». CiU Convergencia eta Unio-ko alderdikide Artur Mas gogorrago



mintzatu zen: «Ez dugu inola ere kontrolik eta zelatarik onartuko, inoiz ez dugu onartu eta». UDC buru Josep Antoni Duran Lleidak, berriz, proposamena egiteari «iraingarria» iritzi zion; bidenabar, errespetua eskatu zuen autonomientzat, lege horrek «Konstituzioa argi eta garbi urratuko lukeelako».

Urtero lege, loreak utzi zituzten Rafael Casanovaren mo-

numentuan, eta politikoei Diadaren garrantzia azpimarratu zuten: «herri katalanaren borrokaren izpiritua gogoratzeko data da», Artur Masen hitzetan.

Autodeterminazio eskubidea

Kataluniako Maresme eskualdeko Autodeterminazioaren Aldeko Zinegotzi eta Alkateen Mahaiak joan zen ekainean aurkeztutako autodeterminazio es-

kubidearen aldeko mozioa onartzeko bilkura bereziak egin zituzten atzo. Maresme eskualdeko udalen erdiek baietsi dute onartuko dutela autodeterminazioaren aldeko egitasmoa, baina udaletako batzuek egitearen osoko bilkuretan onartuko dute. Kataluniako alderdi politiko gehienetako kideek egin dute bat Autodeterminazioaren Mahaiarekin.



NAFARROA OINEZ 2001

“Denon laguntzarekin,

LODOSA-SARTAGUDAN ikastola berria”

PRODUKTUEN EZAUGARRIAK

ZENBATEKOA

Pikilo piperrak:	25-30 piper oso. Kutxa bat (kilo erdiko 24 lata)	14.400pta.
Pikilo piperrak:	18-22 piper oso. Kutxa bat (kilo erdiko 24 lata)	14.400pta.
Pikilo piperrak:	Kristalezko potoan. 250ml. 48 pote	21.600pta.
Nafarroako zainzuriak:	Kutxa bat (Kiloko 12 lata) 13/16	11.400 pta.



Eskaria egiteko: 659 780 178
Etixeraino eramango dizkizugu!

**EUSKALDUNON
EGUNKARIA
laguntzaile**



Egunkaria

Besterik gabe, Nafarroa Oinez lagundu nahi baduzu, zure laguntza kontu honetan.
3035 0153 40 1530005011